

Stjórnarfundur

Fundargerð fimmtudaginn 8. ágúst 2024

Mættir á skrifstofu félagsins: Árni Sverrisson og Páll Ægir Pétursson.

Á fjarfundi: Tryggvi Eiríksson, Pálmi Gauti Hjörleifsson, Kristinn Hólm Ásmundsson, Friðrik Höskuldsson og Pétur Ólafsson.

Formaður (ÁS) bauð alla velkomna og setti fundinn kl. 12:30.

Dagskrá:

1. Ákvörðun um sameiginlegan fund með stjórnnum Félags skipstjórnarmanna, Verðandi í Vestmannaeyjum og Vísi á Suðurnesjum.

ÁS sagði frá þessum fundi en hann hefur verið haldinn undanfarin ár, einu sinni á ári. ÁS lagði til að fundurinn verði haldinn laugardaginn 21. september nk. á Grand hótél í Reykjavík. Dagana 18. til 20. september er sjávarútvegssýningin [Home | Icelandic Fisheries Exhibition \(worldfishing.net\)](#), tilvalið að enda hana á sameiginlegum fundi á laugardeginum og borða saman með mökum á laugardagskvöldið. Ákveðið að bjóða varamönnum og fráfarandi stjórn á fundinn. Fyrir hádegi funda stjórnir þessara félaga og eftir hádegi koma allir saman.

Fundurinn verður haldinn í fundarsalnum Hvammi á Grand hótél í Reykjavík og þeir stjórnarmenn og makar sem vilja gista þar í boði félagsins.

Fundarmenn samþykkir þessa tilhögun einróma.

2. Staða kjarasamninga.

Okkur tókst ekki að ganga frá öllum kjarasamningum fyrir sumarfrí því miður. Þó er búið að ganga frá og samþykka samninga fyrir skipstjórnarmenn í fiskeldi, ferðapjónustu og á ferjunni Baldri. Kjarasamningur farmanna var felldur, viðræður hefjast að nýju hjá sáttasemjara um miðjan ágúst. Við áttum fund með hluta af samninganefndinni í morgun og munum eiga annan fund í næstu viku. Viðræður um endurnýjun kjarasamninga skipstjórnarmanna hjá Hafró, LHG, Faxaflóahöfnum og sveitarfélögunum hefjast einnig í ágúst.

3. Yfirferð (kynning) á vinnu Jónu Brynju og Friðriks á mælaborði fiskverðs.

Friðrik og Jóna kynntu efnið lauslega og útskýrðu framsetninguna en um er að ræða upplýsingar um uppsjávarfisk, vs afla og fl. Fundarmenn voru áhugasamir og spurðu fjölda spurninga s.s. um fiskverð og samanburð en vilja fá meiri upplýsingar og samanburð s.s. um frosinn bolfisk og ísfisk. Framsetningin þeirra Jónu og Friðriks er góð, einföld og skiljanleg. Fram kom að þau hafa tengst gagnabönkum hjá m.a. Hagsofunni, Verðlagsstofu og víðar. ÁS minnti á að Verðlagsstofa skiptaverðs hefði verið sett á stofn 1998 eftir erfiðar kjaradeilur, hennar eina hlutverk Verðlagsstofu er að fylgjast með fiskverði og stuðla að réttu og eðlilegu uppgjöri á aflahlut sjómanna, eins og nánar er tilgreint í lögum nr. 13/1998 um Verðlagsstofu skiptaverðs og úrskurðarnefnd sjómanna og útvegsmanna. Það væru vonbrigði að löggjafinn hefði ekki viljað setja í lög ákvæði um að Verðlagsstofa fengi rafrænt/stafrænt aðgengi að upplýsingum um útflutningsverð allra sjávarafurða. Auk þess var vegið að sjálfstæði Verðlagsstofu með því að lögnum var breytt á þann hátt að ráðherra er nú heimilt að fela forstöðumanni annarar ríkisstofnunar forræði Verðlagsstofu skiptaverðs.

Nokkur umræða skapaðist um fiskverð, vs afla og annað sem tengist þessari vinnu þeirra. Ekki þykir stjórnarmönnum ráðlegt að svo komnu máli, að birta þessa vinnu á heimasíðu félagsins og verður það ekki gert nema að vel athuguðu máli því innan um leynast viðkvæmar upplýsingar.

4. Önnur mál

Formaður sagði frá því að upphæð sjúkrakostnaðar sem félagið greiðir félagsmönnum er að hámarki 70.000 kr.- á ári. Sjóðfélagi getur sótt um endurgreiðslu vegna sjúkrakostnaðar. Endurgreiðslan nemur 50% af heildarkostnaði félagsmanns að hámarki kr. 70.000.- þegar sjúkrakostnaður hefur náð kr. 140.000.-

Sjúkrakostnaður félagsmanns þarf að hafa náð kr. 24.000.- til þess að hægt sé að sækja um til félagsins.

Umsóknir hafa borist um greiðslu sjúkrakostnaðar t.d. í Klínikinni en þar hefur sjúkrakostnaður oft á tíðum verið mjög hár, allt uppí eina milljón. 70 þúsund er ekki há upphæð þegar um er að ræða mikinn sjúkrakostnað. Rætt var um á fundinum að hækka þennan styrk. Formaður kom með tillögu um að hækka þessa tölu uppí 150 þús. kr.- Fram koma að ríkið er farið að borga meira í sjúkráþjálfun og kemur því minna í hlut stéttarféлага að borga félagsmönnum sínum vegna sjúkrakostnaðar. FH kom með tillögu um að hækka styrkinn með þeim hætti að menn fái 70 þús. krónur nettó.

Fram kom á fundinum að Vísir á Suðurnesjum endurgreiðir félagsmönnum sínum hluta af tannlæknakostnaði, en formaður upplýsti að hingað til hefur stjórn FS hafnað því að styrkja tannlæknakostnað en hann sagði að ef tannlæknakostnaður væri tilkominn vegna slysa eða sjúkdóma, þá hefur félagið lagt til styrki.

Formaður sagði að félagsmenn VR eiga sinn sjóð og geta ráðstafað úr honum, hann ætlar að koma með tillögu að breytingum á þessum lið og leggja fyrir stjórnina.

PGH ræddi um að endurmenntunar- og lækniskostnaður hjá fólki úti á landi sé hár fái félagsmenn ekki leigða orlofsíbúð félagsins í Reykjavík en þær eru umsetnar eins og kunnugt er. Hann lagði til að félagsmenn utan af landi fái styrki úr endurmenntunarsjóði vegna þessa en ekki er ástæða, að hans mati, til að safna miklum fjármunum í sjóðinn. Það ætti ekki að skipta félaginu neinu máli hvort greitt er fyrir námskeiðskostnað, ferðalaga eða gistingu. Formaður ætlar að skoða hvernig þetta er hjá öðrum stéttarfélögum.

Formaður nefndi að stjórnarfundir félagsins hafi verið haldnir frá upphafi eftir þörfum. Hann velti fyrir sér hvort hægt væri að hafa sama hátt á eða halda stjórnarfundum annan hvern mánuð. FH var samþykktur því en PGH vill að þeir séu haldnir mánaðarlega til að stjórnarmenn geti fylgst betur með því hvað helst sé á döfinni innan félagsins. Almennt voru stjórnarmenn á því að halda stjórnarfundum mánaðarlega og var fastur fundartími ákveðinn fyrsta fimmtudag hvers mánaðar kl. 12:30.

FH spurði að gefnu tilefni um veiðar uppsjávarskipa sem hafa samvinnu og landa í eitt skip sem siglir með aflann til löndunar. PGH sagði að um samvinnu milli skipa væri að ræða, einn pottur og allir fá deilt úr honum sameiginlega. Með þessu móti fæst mun betra hráefni en ef hvert skip er að veiðum sjálfstætt sem tekur að öllu jafnan mun lengri tíma og það rýrir gæði hráefnisins að veltast um í tönkum skipanna ef þau eru marga daga að veiðum í misjöfnum veðrum.

Formaður sagði að í nýjum kjarasamningi hefði uppsjávarkaflanum verið breytt á þann hátt að fyrir hverja vertíð ætti hvert fyrirtæki að halda fund með áhöfnum skipanna og

fulltrúum stéttarféлага, þar sem farið væri yfir horfur á mörkuðum og upplýst um fyrirhuguð verð til sjómanna. Hann hafi setið fundi með áhöfnum þessara skipa og sagði að áhöfnum væri kynntur samningur um veiðisamstarf, þar sem tvö til fimm skip hefðu samvinnu um veiðar. Samdóma álit manna er að slíkt samstarf skilar meiri veiði, betra hráefni og meiri tekjum. Um borð í hverju skipi eru greidd atkvæði um hvort áhafnir vilji taka þátt í slíku samstarfi. Í samningunum er ákvæði um að áhafnir skipa geta kosið um að hætta þessari samvinnu hvenær sem er. Almenn ánægja hefur verið með þessa samvinnu uppsjávarskipanna.

Formaður sagði frá því að hann hefði mótmælt aukningu á strandveiðiafla úr 10.000 tonnum í 12.000 tonn, meðal annars í Bftinu á Bylgjunni. Óþolandi væri að fiskiskipum sem eru gerð út á ársgrundvelli og veita fjölda sjómanna atvinnu allt árið um kring væri lagt yfir sumarið þegar strandveiðar hefjast. Líklega eru strandveiðar komnar til að vera, en koma verður böndum á magnið sem þessum bátum er úthlutað. Á hverju ári krefst Landssamband smábátaeigenda meiri og meiri veiðiheimilda fyrir þennan flota báta. Þegar strandveiðar hefjast kemur mikið magn inn á fiskmarkaði sem veldur því að verð lækkar, mikið er talað um að strandveiðar séu mikilvægar fyrir byggðarlög, en staðreyndin er að útflutningur á óunnum fiski eykst á þessu tímabili. Formaður mun áfram gagnrýna strandveiðar, það þarf að fastbinda magnið sem úthlutað er til strandveiða.


Nokkrar umræður urðu um strandveiðar, menn sammála því að koma verði böndum á magnið sem er úthlutað til þeirra.

Fleira ekki rætt,

Fundi slitið kl. 13:45



Árni Sverrisson formaður



Páll Egir Pétursson fundarritari

